



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

51. Joannes II. de Senna.

urn:nbn:de:hbz:466:1-11463

*Anno
Christi*

gundia 23. Maij 1330. prout ex inscriptione marmoreæ tabulæ incisa in templo monasterij Montis S. Mariæ Ordinis Cisterciensis ad Dubim fluvium constituti, refertur ab eodem authore.

1330.

IOANNES II.

De Senna.

Basileensis Episcopus.

L I.

Ioannes Burcardi de Senna à Münsingen, ex Ioanna à Bucheck filius Episcopatum ab anno 1330. in alta pace tenuit annis quinque supra triginta, à Guillimanno celebratus in Berchtoldo 26. Episcopo Argentinensi. Atque ex eo Germaniæ Episcoporum numero fuit, qui supplices Benedicto XII. anno 1338 acciderent, pro absolvendo Ludovico Bavaro Pontificiis execrationibus nuper

nuper devoto. Quibus & ipse di- Anno
Christi
ris simul obnoxius Ioannes, sacro-
rumque usu prohibitus, post mor-
tem Ludovici, & Caroli Imperato-
ris auctorationem, in gratiam rece-
ptus est, vti testatur Ioannes Geor-
gius Hervartus in defensione Ludo-
vici Imperatoris, ad annum 1338.
quo ferè tempore, Ioanni Episco-
po, atque Murbacensi Abbati Basi-
leæ jura Regalia contulit Carolus IV.
Imperator, die Natali, postquam
Cæsar in Ecclesia Cathedrali, sacro
epulo refectus, dextrâ strictum ge-
stans gladium, dum res divina per-
ageretur, Evangelium recitavit:
Exiit editum à Cæsare Augusto &c.

Idem Ioannes Episcopus Altkir-
chij sacellum Deiparæ nomini dica-
tum, post laxatas nonnihil loci an-
gustias consecravit, anno 1345. Pau- 1345
lo post 1348. allata sunt Bambergâ
Basileam lipsana brachij dextri S.
Hen.

Anno
Christi
1345.

Henrici Imperatoris in duas divisa partes, quæ i. Novembris solemni ritu supplicantium procedentes exceperunt, & decenter in Cathedrali Ecclesia deposuerunt. Ea de causa Ioannes Episcopus diem Xll. Iulij festivum esse voluit S. Henrici honoribus, per totum Episcopatum, tum ob divi sanctitatem miraculis post mortem illustratam, cum ob eius singularia in Ecclesiam Basileensem merita, quam ipse olim ab infidelibus vastatam instaurasset liberalitate insatiabili. S. Henrici coniugi Cunegundi Sanctitate suppari religiosam quoque Ioannes instituit memoriam, quotannis celebrandam nono Septembris. Annus 1356. exitialis prorsus & luctuosus fuit præfertim Basileensibus: etenim horrendis terræ motibus, & incendiis concussa est Basilea, ut Ænea Silvio teste, centum ædes in amplissima

1356.

Civi

Civitate vix superessent integræ, col-
lapsis turribus, templis, & nobilissi-
mis quibusque ædificiis. Nec ma-
lum intra urbis unius ruinam stetit.
Everſæ præterea in Iuraffo monte ar-
ces triginta quatuor, à Stumpfio l. 12.
cap. 28. recensitæ, nominatim utra-
que Delspergensis, Pseffingensis,
Thiersteinensis, Reichensteinensis,
Münchensteinensis, &c. Ab hac
communi multis ruinâ Episcopus
Ioannes, ædem Cathedralem, pala-
tium, arcésque ditionis suæ longè
magnificentius, quàm antè, assurge-
re fecit. Ita frequenter animos ipsa
erigunt infortunia. Vnde à Clero
eam meritis est appellationem, ut
sacer Antistes totius Episcopatus ar-
ciùmque Reformator prædicaretur.
Consecrato templo, vigesimo quin-
to Iunij, anno 1363. celebrem Dedi-
cationis diem 11. Octob. habere vo-
luit. Supremum verò clausit ultimo

Anno
Christi
1345.

1363.

S

Iunij

Anno
Christi
1363.

Iunij 1365. sepulturâ donatus, quæ sub gradibus, altari S. Himerij à se fundato proxima.

Is ipse est Episcopus, qui facellum in Lauffen consecravit, cui Cives deinde bonâ Ioannis à Veningen Episcopi venia, multum ornamenti & opum addiderunt.

Neque hîc prætermittendum est, quod ætate nostri Ioannis à Senna Episcopi per duos annos scilicet 1348. & 1349. lues post homines longè pestilentissima orbem propè universum funestârit. Delata hæc ex transmarinis regionibus, Italiam primò, Germaniam deinde, Galliam, Hispaniam, ceterasque ad extremos usque Britannos provincias pervagata, plures urbes exhausit, pagos ac vicos innumeros funditus extinxit: idque ex veneni sævitia, ut vel remotior afflatus manifesto esset exitio, & vel sola Basilea ultra 14000. hominum

num extulit. Et quamvis vulgò tam *Anno Christi*
atrocis calamitatis ludæos auctores
esse suspicarentur non pauci; quòd
illi nempe fontes, puteos & cister-
nas intoxicassent (à quibus aliàs qui
abstinebant, innoxij erant & immu-
nes mali) proindèque illos passim
ignibus, aliisque suppliciis perime-
rent. Non deerant tamen, qui lu-
dæos culpâ tam immani vacare sen-
tirent, atque hoc aëris contagium
potiùs antecedenti terræ concussio-
ni, sive iis, quos patentes terræ hia-
tus exhalassent, crassis & venenatis
vaporibus attribueret.

IOANNES III. 1366.

De Vienna.

Basileensis Episcopus.

LII.

MEtensem antè Canonicum Io-
hannem de Vienna, Catalogo

S 2

B1-